

TE MAU PĪAHI 'E TE MAU METUA PARAU FA'AARA N°3 COVID 19 Te tāmāu-noa-ra'a te ha'api'ira'a.

02 nō 'ēpērera 2020

E aha te tāmāu-noa-ra'a te ha'api'ira'a ?

- Te fā mau o teie tāmāu-noa-ra'a te ha'api'ira'a, 'ia vai noa teie tā'amu
- ra'a o te tamari'i i tāna fare ha'api'ira'a tuatahi 'aore ra tuarua. Teie tā'amura'a, e fa'anahora'a ia tō muri 'ia au hō'ē terera'a 'ohipa tāmāu 'ia ha'api'i 'e 'ia 'eta'eta noa te tino o tā 'outou tamari'i. 'Ia tāmāu noa 'oia i te ha'api'i, e 'ōhie ato'a ia te ha'amatarā'a ha'api'ira'a 'ia hope teie fifi rahi.
- E fa'a'ohipa i te mau rāve'a ato'a, te tahua natirara ihoa ra, e 'aore ra te niuniu/niuniu 'āfa'ifa'i, 'ia vai noa tōna tā'amura'a i tāna fare ha'api'ira'a.
- E rave rahi mau fa'a'ohipara'a : te mau puta i fa'aineinehia e te mau mata hi'opo'a 'e te mau 'orometua fa'aa'o nō te tuatahi, te mau ha'api'ira'a 'e te mau fa'a'ohipara'a i patuhia mai e te mau 'orometua nō te tuarua, te mau te tahi mau fa'a'ohipara'a ihi rorouira mai te CNED, te mau ha'apurorora'a 'āfata rātio, te mau ve'a, te mau ha'apūrero 'āfata teata tā te pū DGEE tei ha'amatahia i te ha'aparare 'e te mau ha'apurorora'a a te LUMNI.
- E fa'a'ohipa te mau tamari'i hō'ē a'e mauha'a i fa'ahitihia. TE FAUFA'A MAU nō tā 'outou tamari'i, 'ia ha'api'i tāmāu noa 'oia maoti teie mau rāve'a nō roto mai ānei i tāna fare ha'api'ira'a tuatahi/tuarua, e 'aore ra i te mau ha'apurorora'a e rave rau.
- 'Ia fa'aea hau noa te mau 'utuāfare. 'Ua 'ite mātou, e'ere i te mea 'ōhie nō te mau tamari'i e nohora'a ha'amo'emo'e tō rātou. **E fa'anahohia te mau rāve'a ato'a nō te tauturu i te mau tamari'i 'ia nae'ahia te mau fā i tītauhia i te hōpe'a matahiti 'e 'ia au i tāna piha, 'ia ha'amata fa'ahou te ha'api'ira'a, i muri mai ihoa i teie fifi rahi.**
- Te mau tamari'i, e hi'opo'ara'a matahiti tā rātou, 'ia vai hau ato'a ho'i ratou. **E ha'amau ato'a 'o Pōrīnetia farāni i te mau fa'anahora'a tā te Hau Farāni i fa'aoti nō te mau hi'opo'ara'a parau tū'ite mai te DNB, te CAP 'e te BAC.** 'A tahi roa tātou i fa'aruru ai teie huru fifi. Terā rā, e 'imi-ihoa-hia te mau fa'anahora'a 'ia 'ore te mau pīahi 'ia fifi noa a'e.

Nō te fare ha'api'ira'a tuatahi

Nō te mau fare ha'api'ira'a tuarua

Nō te mau tamari'i 'aita e rāve'a tahua natirara, 'e 'ia au i te fa'aotira'a a te pū o te ea, e fa'anahohia hō'ē 'ōperera'a 'api parau nā taua mau tamari'i, tauturuhia e te fare 'oire. **'A ara maita'i : 'aita roa atu e 'ōperehia i roto i te mau fare ha'api'ira'a tuatahi/tuarua. E rāve'a teie 'ia fa'atura noa ā te mau metua i te mau rāve'a araira'a.** 'Ua ha'amata a'ena te mau tāu'aparau i rotopū i te mau mata hi'opo'a, te mau fare ha'api'ira'a tuatahi/tuarua 'e te mau tāvana nō te 'imi ihoa ia i te mau fa'anahora'a tano nō te 'ōperera'a o taua mau 'api parau ma te fa'atura i te mau rāve'a araira'a.

Mai te 6 nō 'ēpērera

- Te ha'amatarā'a o te « 'āpe'era'a ihiha'api'i »
- Ha'apurorora'a 'ihi rorouira 'aore ra 'ōperera'a puta parau
- Te ha'amatarā'a o te 'āpe'era'a a te mau 'orometua ha'api'i (niuniu, tahua natirara)
- Ha'apurorora'a i te mau fa'anahora'a 'āfata teata ma te mā'iti i te hōho'a tano

E tae noa i te hōpe'ara'a o teie mau rāve'a araira'a, 'eiaha roa atu e haere i te fare ha'api'ira'a tei 'ōpanihia. Mai te peu ra, 'ua tītauhia mai 'outou, 'a haere ma te fa'atura i te mau rāve'a araira'a 'e tā 'outou parau fa'ati'a.

- Mai te 6 nō 'ēpērera, e ha'amata te mau ha'api'ira'a ātea. 'Ia fa'anaho mai te mau 'utuāfare 'e tā rātou mau tamari'i i te tahi tau ha'api'ira'a i te fare. Nō te tauturu ia 'outou, teie te mau fa'auera'a e tano 'ia

<p>Mai te 13 nō 'ēperēra</p> <ul style="list-style-type: none"> - Ha'apurorora'a ha'api'ira'a, e toru hora te maoro, i ni'a i ia Porinetia tahi 'e 'o TNTV - Tāmau noa ā te 'āpe'era'a a te mau 'orometua ha'api'i (niuniu, tahua natirara). <p>'Aita te fare i riro ei fare ha'api'ira'a. 'A ti'aturi i te mau 'orometua ha'api'i nō te arata'i-māite-ra'a 'e nō fa'aro'o ia 'outou.</p> <p>'Ua fa'aineinehia te mau rāve'a ato'a nō te ha'apuroro i te mau fa'arara'a faufa'a nō te ha'amau i teie fa'anahora'a ta'a 'ē mau 'e e mea 'āpī ato'a ho'i.</p>	<p>ravehia.</p> <ul style="list-style-type: none"> - E ha'amauhia hō'ē nūmera niuniu i roto i te fare ha'api'ira'a a tā 'outou tamari'i nō te pāhono i tā 'outou mau uira'a. - E ti'a ia 'outou e fa'a'ohipa i tā 'outou mau tātomo Pronote. Mai te peu 'aita, 'a ani atu i tā 'outou fare ha'api'ira'a. - Peina'e, e fa'anahora'a 'ē tā tā 'outou fare ha'api'ira'a. 'A niuniu atu 'aore ra 'a haere atu i ni'a i te tahua natirara Facebook mai te peu tē vai ra. - Mai te peu, 'aita tā 'outou e natirara, e niuniu/poro'i atu hō'ē ti'a nō te fare ha'api'ira'a. E fa'aoti 'outou i te tahi fa'anahora'a e tano nō te tauturu i tā 'outou tamari'i 'ia vai tāmau noa te ha'api'ira'a. - E 'ōperehia te mau puta parau nā te mau tamari'i, 'aita e rāve'a 'ē atu. E tauturuhia e te mau tāvana 'e te mau muto'i 'oire. E ti'a ihoa ia 'ia rave-māite-hia te mau rāve'a araira'a tā te fa'atere ha'api'ira'a i ha'amau. - E ha'apuroro te mau 'āfata teata 'e te mau ve'a ato'a i te mau ha'apurorora'a ha'api'ira'a. E ti'a 'ia fa'a'ohipahia 'e 'ia fa'ana'o te tā'ato'ara'a. - 'Aita te 'orometua ha'api'i e ani i te tahi 'ohipa e fifi ai te pīahi, e fāito ato'a 'oia i te mau ha'api'ira'a. Mai te hō'ē ta'ata tū'aro te huru, 'ia tu'ao'ao noa te tamari'i nō te ha'api'i noa ā. Teie ia te fā e tītauhia ra, 'ia tu'ao'ao noa tā 'outou mau tamari'i, 'ia 'ore rātou 'ia fifi roa 'ia ha'amata fa'ahou te ha'api'ira'a.
<p>Te mau ti'a i roto i te fare ha'api'ira'a tuatahi</p>	<p>Te mau ti'a i roto i te fare ha'api'ira'a tuarua</p>
<ul style="list-style-type: none"> - Te 'orometua ha'api'i o tā 'outou mau tamari'i, 'ōna ia te ti'a mātāmua. E tāu'aparau 'outou 'ia au te fa'anahora'a i ha'amauhia e 'outou. - Mai te peu, e fifi 'outou, 'a fa'aara atu i te fa'atere ha'api'ira'a. 	<ul style="list-style-type: none"> - E fa'atae atu te mau 'orometua ha'api'i ato'a o tā 'outou tamari'i i te mau poro'i/ha'api'ira'a ato'a (niuniu, Pronote, « Ma classe à la maison », 'e te tahi atu mau mauha'a). - E tītauhia te 'orometua tumu o tā 'outou tamari'i 'ia vai ara noa 'oia 'ia tere māite teie tāmau-noa-ra'a te ha'api'ira'a. 'A fa'aara atu iāna mai te peu e fifi tō 'outou, e uira'a tā 'outou. - E ara ihoa ia te fa'atere ha'api'ira'a tuarua nō te terera'a o teie fa'anahora'a i roto i tāna fare ha'api'ira'a.
<p>Te parau titi 'utuāfare</p>	<p>Te mau parau titi 'utuāfare</p>
<p>Teie atu hō'ē parau titi n°1 'utuāfare nā te mau tamari'i tuatahi.</p>	<p>Teie atu piti parau titi n°2 'e n°3 nā te mau tamari'i tuarua.</p>
<p>Tā tātou mau tamari'i i mua i teie apiapi</p>	
<p><u>E orara'a fifi teie tā te mau tamari'i e fa'aruru nei i mua i teie apiapi, 'aita ho'i rātou e nehenehe e oriori fa'ahou, 'aita ato'a ho'i e fārerei fa'ahou ra i te mau ta'ata (hoa, feti'i, metua rave 'ohipa, 'e te vai atu ra.). 'Ua rau te mau rāve'a :</u></p>	
<ul style="list-style-type: none"> • E fa'a'ite i te mau rāve'a araira'a 'ōhie ma te ha'uti, 'oia ho'i 'ia horoi i te rima 'ia au i te 'upa'upa, ma te hīmene. E ani i te mau tamari'i 'āpī 'ia tāhōho'a i te mau rāve'a araira'a « coronavirus », 'ia tāmau-'ōhie-hia e rātou. • Mai te peu, e poro'i pāpū maita'i tā te ta'ata pa'ari, e tāmau 'oi'oi rātou. • 'A fa'aro'o i tā rātou mau uira'a, 'a fa'a'ite atu te ara ra 'outou i mua i tō rātou mau māna'ona'ora'a/hepohepora'a. • 'Eiaha e ha'apuroro i te mau parau e taupupu ai te ferurira'a. 	

- 'A ha'atupu i te mau ha'uti e tãhō'ē te 'utuāfare, 'a ha'amaui i te mau rãve'a 'ohie natirara 'ia tãu'aparau noa ā tã 'outou mau tamari'i 'e tō rãtou mau hoa, hō'ē taime i te mahana.

HA'AMANA'ORA'A

'Aita te tirotiro e purara, 'ōna ana'e. Nã tãtou e ha'apurara iãna.

Nã te rãve'a apiapi e fa'aiti i te tirotiro 'e mo'e roa atu ai :

- Fa'aiti i te mau terera'a 'ia au i te mau 'ohipa faufa'a (te ho'ora'a i te mā'a, te rapa'aura'a 'e te 'ohipa) ;
- Te mau terera'a poto (fa'a'eta'etara'a tino tãta'itahi, pãruru i te mau 'ānimara) ;
- 'A ara maita'i, e fa'auto'ahia 'outou mai te peu, 'aita 'outou e fa'atura i teie mau fa'aotira'a.

HA'AMANA'ORA'A

Te mau rãve'a araira'a

'Ua ha'avihia te mau rãve'a pãruru 'e te araira'a 'ia fa'atura-mãite-hia te mau rãve'a araira'a :

- 'A horo'i pinepine i te rima mā te fa'a'ohipa i te pu'a.
- 'A hota 'e 'a tihe i roro i tō 'outou fatira'a rima.
- 'A fa'a'ohipa i te mau horoi fa'a'ohipa 'ōtahi, 'a fa'aru'e i roto i te vaira'a pehu tãpo'ihia.
- 'A aroha ātea noa, 'eiaha e tauahi.
- 'A fa'aiti i te mau terera'a.
- 'A tãmau noa ā 1 mētera te atea e te tahi atu mau ta'ata.

'A fa'a'ohipa i te pãruru 'utu 'ahu :

- E iti mai ia te mau tãpe'ape'ara'a : te rima 'e te aro ;
- 'Aita ia 'oe e ha'avi'ivi'i ia vetahi 'ē 'e te arutaimareva ;
- 'Ia fa'a'ohipahia te vavai 'aore ra te « polyester » nō te nira i te pãruru 'utu ;
- 'Ia po'i maita'i te ihu 'e te 'utu ;
- 'A ara, 'eiaha e tãpe'ape'a iãna 'a tãtara noa atu ai.
- Toru hora tōna fa'a'ohipara'a e ti'a ai.
- 'A pu'a pinepine i teie mau pãruru 'utu i roto i te mātini pu'a 'ahu, anuvera 60°, 30 minuti i te maoro.
- 'A ara : 'aita roa atu teie mau mauha'a pãruru mai tã te mau tuati ma'i e fa'a'ohipa ra. 'Aita ho'i teie pãruru 'utu e arai.

TE MAU NŪMERAFAUFA'A

 <p>Hota, fiva, fifi nō te hutu i te aho 'A NIUNIU I TE 15. 7 mahana/7 mahana 24 hora</p>	 <p>Te mau uira'a nō ni'a i te COVID19 : 444 789* 7mahana/7mahana 8h – 18h</p>	 <p>Metua vahine, 'utuāfare, tamari'i 40 473 500* CME nō Hamuta Monirē-mahana maha : 7h30 – 15h30 Mahana pae : 7h30 – 14h30</p>	 <p>Te pū rapa'au ma'i : te 'ava'ava ta'ero 40 460 047 CCSAT Monirē-mahana maha : 7h30 – 15h30 Mahana pae : 7h30 – 14h30</p>
--	---	--	---

* te tãrifa i fa'aotihia

Mai te peu, e ro'ohia 'outou i te fifi 'utuāfare, 'a niuniu atu i te pū tauturu i te feiã i ro'ohia i te 'ati « APAJ » i te mau nūmera **87765250** 'aore ra **87241222** 'aore ra **40432041** 'aore ra te rata uira contact@apaj.net 'e te **facebook : Apajpf**

Te tãhua natirara a te pū nō te ea nō te mau uira'a i ni'a i te COVID 19 : <https://www.service-public.pf/dsp/covid-19/>

E metua vau nō te hō'ē tamari'i nō te tuatahi.

E te mau metua tamari'i nō te mau fare ha'api'ira'a a te hau 'e e'ere nā te hau,

'Ia au i te ha'amatarā'a ha'api'ira'a i te 6 nō 'ēperēra 2020, e ha'amauhia teie **tāmau-noa-ra'a te ha'api'ira'a nō Pōrīnetia farāni.**

Teie fa'anahora'a, « 'Aita te fare i riro ei fare ha'api'ira'a »

... nō te mea e'ere 'outou i te 'orometua ha'api'i,
... nō te mea, 'aita te fare i riro ei fare ha'api'ira'a...

Terā rā, e ha'api'i noa ā tā 'outou tamari'i, 'ia au hō'ē fa'anahora'a 'āpī, mai te **6 nō 'ēperēra 2020.**

'Ia ta'a maita'i ia rātou i te raura'a o te mau mauha'a

Mai teie atu taime, 'ua rau te mau ha'apurorora'a i ni'a i te mau 'āfata teata.

E'ita i te mea 'ōhie, te fā mātāmua o teie 'āpe'era'a ihiha'api'i, 'eiaha tā 'outou tamari'i 'ia fa'aea noa i mua i te paruai i te mahana tā'ato'a.

Nō reira, e ha'apurorohia atu te mau ha'api'ira'a rau. I roto i teie ha'apurorora'a, e fa'a'ohipahia te 'ū 'ia au te fāito matahiti 'e te 'aravihi o tā 'outou tamari'i.

E toru hora te maoro, i mua i te mau 'āfata teata mai te 13 nō 'ēperēra

I te 13 nō 'ēperēra, toru horu i te mahana tāta'i tahi, e ha'apurorohia te mau hōho'a i tāvirihia e te

Fa'aterera'a Hau i ni'a i te mau 'āfata teata nō te fenua, 'ia au i te fāito ha'api'ira'ara'a.

Teie mau 'ōpuara'a, e rāve'a ia 'ia vai tāmau noa te ha'api'ira'a i roto i te'utuāfare.

E tītau-ato'a-hia te mau ve'a. Tē fa'aineine-ato'a-hia ra te ha'apuroro i te mau puta ihi rorouira ('ā'amu, 'ā'ai...). E rāve'a teie nō te fa'aferurira'a ma te fa'aro'o pinepine i te mau tai'ora'a.

Te mau 'api fa'a'ohipara'a, 15 mahana

'Ua fa'aineine te mau 'orometua i taua mau 'api fa'a'ohipara'a nō te reo farāni 'e te nūmera, o tei turu i teie mau ha'apurorora'a, 'ia au i te fāito matahiti o te tamari'i 'e tōna fāito 'ite.

E fa'a'ohipara'a teie nā tā 'outou tamari'i, 15 mahana te maoro. E'ere i te mau 'ohipa-rave-pinepine-hia e rātou.

'Ia vai noa te 'ana'anataera'a i roto ia 'outou 'e tā 'outou tamari'i. E puta fa'aha'uti, fa'a'ana'anatae ato'a tei fa'aineinehia.

E ha'aponohia atu nā roto i te rata uira mai te peu tē vai ra tā 'outou. E 'ōpere-ato'a-hia i te mau 'api parau i te monirē 6 nō 'ēperēra 2020 'ia au i te fa'anahora'a a te fenua, tauturuhia e te mau fare 'oire.

'Eiaha roa e haere mai i te fare ha'api'ira'a.

Te mau 'orometua 'ia niuniu atu 'outou

E vai ara noa te mau 'orometua i te mau hora ha'api'ira'a, hora 'ohipa ato'a, nō te :

- arata'i ia 'outou nō te ma'iti i te ha'apurorora'a 'āfata teata,
- pāhono i tā 'outou mau uira'a.

'Ua riro te 'orometua o tā 'outou tamari'i, 'aore ra te 'orometua e tauturu ato'a iāna i roto i tāna ha'api'ira'a, nō te tāu'aparaura'a. 'A tītau pinepine atu ia rāua. 'Eiaha e mata'u.

E metua vau nō te hō'ē tamari'i nō te tuarua

Nō te aha 'e nāhea vau e tauturu i tā'u tamari'i i roto i tāna ha'api'ira'a i te fare i roto i teie 'ōpanipanira'a.

Nō te aha, e ti'a tā'u tamari'i 'ia rave i te 'ohipa i te fare ?

'Ia vai noa te mau 'ite a te mau tamari'i e ti'a ai. 'Eiaha teie mau 'ite i ha'api'ihia e tāna 'orometua ha'api'i i te fare ha'api'ira'a 'ia 'aramōinahia 'ia tae i te taime ha'amatarā'a ha'api'ira'a. Nā reira ato'a ho'i te mau mea ato'a tītauhia nō te ha'amatarā'a ha'api'ira'a !

Nāhea vau e tauturu iāna ?

Nō te reira, tītauhia 'oia 'ia rave i te 'ohipa i roto i te hō'ē taime tanotano noa i te mau mahana ato'a, 'ōna ana'e 'aore rā mā te tauturuhia e 'oe.

Mai te peu e nehenehe, mā te tauturuhia e te mau 'orometua ha'api'i, e nehenehe 'oe e turu iāna 'ia ha'amata 'oia i tāna 'ohipa, mā te ha'apōpou iāna 'ia hope i tāna 'ohipa. Te reira ia tā 'oe 'ohipa tumu.

'Eiaha e ha'ape'ape'a mai te peu 'aita 'oe i pāpū roa i te mea e tia'ihia nei i roto i te fa'a'ohipara'a ! Te mea faufa'a, 'ia turu 'oe mā te 'ā'au maita'i i tā 'oe tamari'i, 'ia fa'aitoito 'oe iāna 'e 'ia ara 'oe i te tupu maita'ira'a i tāna 'ohipa ('aira'a mā'a, pē'ue, taima māniana 'ore).

Tītauhia ānei 'oia 'ia rave i te 'ohipa i te mau mahana tāta'i tahi o te hepetoma ?

E mea hau a'e 'ia rave i te 'ohipa e pae mahana i te hepetoma hō'ē, mai tei mātauhia. 'Aita e fa'ahēpora'a nō te tāmau-noa-ra'a i te tā'ato'ara'a o te mau ha'api'ira'a. 'Ei hi'ora'a, e nehenehe 'oia e fa'a'ohipa tāmau noa te tahi mau ha'api'ira'a. 'Āfa hora i te ha'api'ira'a hō'ē, 'ua rava'i roa . 'Eiaha 'ia tāpe'a noa te mau ha'api'ira'a tāna e au roa. Tītauhia 'ia 'imihia i te hō'ē fāito tano noa.

Nō te tahi atu mau fa'a'ohipara'a tei anihia, e fāna'o ia 'oia tau mahana (pāpa'ira'a pu'e parau nā roto i te reo farāni).

Tē fāna'o nei mātou i te hō'ē mātini roro uira 'e te rāve'a natirara i te fare, nāfea ia 'ia fa'a'ohipahia taua mau mauha'a ra nō te rave i te fa'a'ohipa tei hōro'ahia mai i tā'u tamari'i ?

E'ita e 'ore, tē fa'a'ohipa nei te mau 'orometua ha'api'i i te hō'ē rāve'a natirara (ENT) nō te fare ha'api'ira'a. Tē fa'a'ohipa pinepine nei paha 'oe i te fa'anahora'a Pronote nō te mau fāitora'a o tā 'oe tamari'i 'e te mau ha'api'ira'a tei ha'amauhia i te fare ha'api'ira'a. Nā roto teie fa'anahora'a, e fāna'o ato'a 'oe 'e tā 'oe tamari'i i te mau fa'a'ohipara'a tei fa'aineinehia e te mau 'orometua ha'api'i mā te fa'a'ohipa i te mau tātomo Pronote tei hōro'ahia e te mau 'orometua tumu.

E nehenehe ia tā 'oe tamari'i e rave i tāna 'ohipa mā te fa'a'ohipa i te mātini roro uira.

Nō te tahi atu mau ha'api'ira'a, e fa'a'ohipa 'oia i tāna puta pāpa'i 'e tāna puta ha'api'ira'a.

E nehenehe ato'a te mau 'orometua ha'api'i e ani iāna i te tahi mau mā'imi'imira'a i ni'a i te nati rara.

Nō te ha'amaita'i atu ā te 'ohipa, e nehenehe tā 'oe tamari'i 'e te mau 'orometua ha'api'i e tāu'a parau na roto i teie fa'anahora'a Pronote.

Tē 'ere nei mātou i te mau mauha'a roro uira, nā hea ia mātou e rave ai i te mau fa'a'ohipara'a tei hōro'ahia mai i tā'u tamari'i ?

E nehenehe te mau 'orometua ha'api'i e fa'atae atu i te tahi mau fa'a'ohipara'a (fare 'oire, mutō'i 'oire). Nā te mau fa'atere ha'api'ira'a e ha'apapū atu te reira.

Te tahi mau taime, e fa'a'ohipa-ato'a-hia te mau puta papa'i 'e te mau puta ha'api'ira'a mai te peu 'ua rave mai tā 'oe tamari'i i taua mau mauha'a ra.

I muri a'e te tāu'a paraura'a i rotopū 'ia 'ōrua, e nehenehe ato'a tā 'oe tamari'i e niuniu atu i te mau 'orometua ha'api'i nō te tahi mau ha'apāpūra'a. 'Eiaha 'ia mo'ehia, e rave rahi mau pīahi tā te mau 'orometua ha'api'i. E nehenehe e hau atu i te hānere pīahi.

E fa'ana'o ānei tā'u tamari'i i te tahi mau rāve'a 'ē atu nō tāna ha'apirira'a ?

'Oia mau !

Tē vai nei te tahi mau ha'api'ira'a fa'ahiahia i ni'a te tahi mau tahua nati rara. Nā te mau 'orometua ha'api'i e fa'a'ite atu ia 'outou te reira.

E nehenehe ato'a 'ōrua e māta'ita'i te tahi mau fa'anahora'a ' āfata teata tē tū'ati nei e tāna haapi'ira'a. E nehenehe ato'a 'ōrua e tai'o i te puta ha'api'ira'a. 'Ia vai ara noa, 'ia mā'iti mai te mau fa'anahora'a fa'ahiahia. Te mau ha'api'ira'a a te mau 'orometua ha'api'i ana'e te 'avei'a e tāpe'a mai.

Te faufa'a, 'ia arata'i māite 'oe i tā 'oe taure'are'a, 'ia fa'aitoito 'oe iāna, 'ia vai noa te 'ana'anatae nō te ha'api'i !

Parau titi 3

E metua vau nō te hō'ē tamari'i nō te tuarua nui.

Nō te aha 'e mea nāhea 'ia tauturu i tā'u taure'are'a i te fare, i roto i teie 'ōpanipanira'a ?

Nō te aha tā'u taure'are'a e rave noa ai tāna ha'api'ira'a i te fare ?

Hō'ē taure'a nō te tuarua mai tā'u iho, e ti'a 'ia fa'a'ohipa pinepine 'oia i tōna 'ite. 'Eiaha 'ia mo'e iāna i te mau ha'api'ira'a 'e te mau 'ite tā te mau 'orometua ha'api'i i hōro'a atu. 'Ia 'ore 'oia 'ia fifi i te taime 'a ha'amata fa'ahou ai te ha'api'ira'a. 'E 'ia vai noa tōna 'ana'anatae 'e hope noa atu teie 'ōpanipanira'a.

E aha te mau rāve'a nō te tauturu iāna ?

E ti'a 'ia rave 'oia i tāna 'ohipa ha'api'ira'a i te mau mahana ato'a, i piha'i iho ia 'oe.

'Ua ha'api'i ato'a 'oia e rave te 'ohipa 'ōna ana'e.

Tera rā, hō'ē taure'a tuarua, 'ia rave 'oia i te 'ohipa 'ōna ana'e, e'ere ato'a i te mea 'ōhie, mai te peu mea pa'ari 'e mea roa ato'a.

Hau atu te tauturu a te mau 'orometua, 'a tauturu ato'a 'oe iāna, ma te arata'i iāna nō te ha'amata i tāna 'ohipa, 'ua riro ei faufa'a nōna 'a muri a'e.

'Aita e fifi mai te peu, 'aita 'oe i 'ite mea nāhea 'ia rave i tāna 'ohipa.

Tera rā, 'a 'āpe'e iāna ma te fa'aitoito iāna. 'A fa'aineine hō'ē vāhi, māniania 'ore, e nehenehe ai 'oia e rave i te 'ohipa (piha, 'iri, pē'ue).

E rave ānei 'oia i te 'ohipa i te mau mahana ato'a ?

'Oia mau, e ti'a 'ia rave te taure'are'a i te 'ohipa e pae mahana i roto i te hepetoma, 'eiaha ra te mau ha'api'ira'a ato'a.

Hi'ora'a, 'ia rave 'oia i te rahira'a o te mau ha'api'ira'a, e toru mahana i roto i te hepetoma. 'Āfa hora te maoro 'ia rave 'oia i taua mau 'ohipa, inaha e rave rahi 'ohipa e tano 'ia ravehia. 'E tē vai ato'a ra te tāpura ha'api'ira'a tā te mau 'orometua ha'api'i e tītau iāna, e rahi roa ia.

Mai te peu, 'ua mā'iti 'oia i te tahi ha'api'ira'a ta'a 'ē, e ti'a ihoa ia 'ia hau atu te taime nō te rave i teie tāpura 'ohipa, 'ia fa'ahōhonu 'oia i te mau mā'imi'imira'a. 'Ei hi'ora'a, e nehenehe tāna e ha'api'i, hō'ē hora i te mahana, 'e e piti taime i te hepetoma.

E mātini roro uira, e tahua natirara tā mātou i te fare, nāhea e fa'a'ohipa i teie mau rāve'a 'āpi nō te 'ohipa a tā'u tamari'i ?

E fa'a'ohipa te mau 'orometua ha'api'i i te tahi tahua natirara pi'ihia ENT nō te tuarua.

Te rahira'a o te taime, 'o « Pronote » tā 'oe i fa'a'ohipa nō te hi'o atu i te mau hi'opo'ara'a a tā 'oe tamari'i, 'e te mau ha'api'ira'a tāna e fa'ana'o i te fare ha'api'ira'a tuarua. E tu'u atu te mau 'orometua i te mau ha'api'ira'a ato'a i ni'a i teie tahua natirara. I muri mai, e haere tā 'oe taure'a e ti'i mai i taua mau ha'api'ira'a, ma te fa'a'ohipa i tāna tātomo « Pronote » tei hōro'ahia e te fa'atere ha'api'ira'a.

E nehenehe ato'a tāna e fa'a'ohipa i te mātini roro uira nō te rave tāna 'ohipa.

Tē vai ra rā te tahi mau ha'api'ira'a, e ti'a ihoa iāna e fa'a'ohipa i tāna puta pāpa'i 'e te mau puta 'ohipa.

E nehenehe ato'a te mau 'orometua ha'api'i e hōro'a i te mau 'ohipa mā'imi'imira'a i ni'a i te tahua natirara.

E fa'a'ohipa tā 'oe taure'are'a 'e tāna mau 'orometua i te mauha'a « Pronote » nō te tāu'aparau 'ia tere māite te 'ohipa ha'api'ira'a.

'Aita tā mātou teie mau rāve'a 'āpī, e aha ia te fa'anahora'a 'ia rave tā'u taure'a i te 'ohipa ha'api'ira'a tā te 'orometua ha'api'i e hōro'a mai ?

'Ia au te fa'anahora'a tano tā te fa'atere ha'api'ira'a tuarua i ha'amau, e nehenehe te 'orometua ha'api'i e fa'atae atu i te mau 'api parau, 'ia rave 'oia i te 'ohipa 'oia ana'e. Peina'e, e nehenehe tā 'oe tamari'i e niuniu atu i te 'orometua nō te ani i te tahi tauturu, hō'ē ha'amāramaramra'a.

'A ara, e rave rahi taure'are'a tā te mau 'orometua e tauturu, e nae'ehia 100 taure'a, e fifi roa atu ia teie huru ravera'a 'ohipa ātea.

Tē hepohepo nei tō'u ferurira'a, inaha tē fa'aineine nei tā'u taure'are'a i te hi'opo'ara'a hope'a matahiti, piha pi'ihia « première, terminale », mea nāhea tauturu iāna ?

E taime tano teie nō te ha'api'i fa'ahou i te mau ha'api'ira'a ato'a tana i fāna'o 'e tā te 'orometua i hōro'a mai. E nehenehe tāna e fa'aineine i te mau ha'apatora'a faufa'a e ti'a 'ia tāmau 'oia, e tai'o fa'ahou i te mau ha'api'ira'a ato'a tāna i ha'api'i, e fa'a'ohipa ato'a i tāna puta parau ma te rave i te mau fa'a'ohipara'a e tano e rave 'e 'ia au i te mau fa'auera'a tā tāna 'orometua i hōro'a mai.

E tano ato'a iāna, 'ia pāpa'i i te mau uira'a ato'a 'e 'ia ha'amata te ha'api'ira'a, i reira 'oia e ani ai i te pāhonora'a i tāna 'orometua.

Ha'api'i 'ē atu, e nehenehe ānei tā tā'u taure'are'a ?

'Ua tano roa !

'Ua rau te mau mauha'a i ni'a i te tahua natirara tāna e nehenehe e fa'a'ohipa. 'Ua rau te mau ha'api'ira'a.

E arata'i te mau 'orometua i te mau tamari'i, nō te mā'iti i te mau mauha'a e tano nō te fa'a'ohipa. 'Aita ia e taupupu tāna mau fa'aineinera'a.

Ei hi'ora'a : te tahua a te « CNED »

E nehenehe ato'a tā 'oe taure'a e māta'ita'i i te mau ha'apurorora'a i roto i te 'āfata teata 'ia au i te mau ha'api'ira'a tāna i fāna'o.

Ei hi'ora'a : te mau ha'apurorora'a « France 4 » 'e « Arte »

E nehenehe ato'a tāna e tai'o i tāna iho mau puta 'aore ra te mau puta parau, e fa'auui i tōna ferurira'a, 'e pāpa'i i tōna mau mana'o, e tāu'aparau e te tahi atu mau hoa i ni'a i te tahua natirara.

Te faufa'a, 'ia arata'i māite 'oe i tā 'oe taure'are'a, 'ia fa'aitoito 'oe iāna, 'ia vai noa te 'ana'anatae nō te ha'api'i !